



**Broj: 02-50-1-16-19/08  
Sarajevo: 23.7.2008. godine**

**ZAPISNIK  
19. sjednice Doma naroda  
Parlamentarne skupštine Bosne i Hercegovine,  
održane 23.7.2008.godine**

Sjednica je počela u 12,20 sati.

Sjednicom je predsjedavao Mladen Ivanić, predsjedavajući Doma naroda Parlamentarne skupštine BiH.

Sjednici je prisustvovalo 13 delegata.

Delegati Slobodan Šaraba i Zoran Koprivica opravdali su odsustvo.

Osim delegata, na sjednici Doma naroda bili su predstavnici Vijeća ministara BiH, međunarodnih organizacija i sredstava javnog informiranja.

Dom naroda je većinom glasova usvojio sljedeći izmjenjeni

**D N E V N I R E D**

1. Odgovori na delegatska pitanja i delegatska pitanja;
2. Usvajanje zapisnika 17. i 18. sjednice Doma naroda;
3. Zahtjev Predstavničkog doma za razmatranje Prijedloga zakona o izmjenama i dopunama Zakona o sukobu interesa u institucijama vlasti BiH, po hitnom postupku u skladu s članom 122. Poslovnika Doma naroda;
4. Prijedlog zakona o izmjenama i dopunama Zakona o udruženjima i fondacijama BiH (drugo čitanje), predlagač: Vijeće ministara BiH;
5. Prijedlog okvirnog zakona o srednjem stručnom obrazovanju i obuci u BiH (drugo čitanje), predlagač: Vijeće ministara BiH;
6. Prijedlog zakona o izmjenama i dopunama Zakona o policijskim službenicima BiH (drugo čitanje), predlagač: Vijeće ministara BiH;
7. Prijedlog zakona o dopunama Zakona o upravnim sporovima (prvo čitanje), predlagač: Vijeće ministara BiH;
8. Prijedlog zakona o izmjenama i dopunama Zakona o finansiranju političkih stranaka (prvo čitanje), predlagači: delegati Ilija Filipović, Mladen Ivanić i Alma Čolo;
9. Prijedlog zakona o prestanku važenja Zakona o flaširanim pitkim vodama BiH (prvo čitanje), predlagač: Vijeće ministara BiH;
10. Zahtjev Zajedničke komisije za administrativne poslove za razmatranje Prijedloga odluke o izmjenama Odluke o organizaciji Sekretarijata Parlamentarne skupštine BiH, po hitnom postupku, u skladu s članom 122. Poslovnika Doma naroda;
11. Izvještaj Zajedničke komisije za usaglašavanje teksta o Prijedlogu zakona o Fiskalnom vijeću BiH;
12. Izvještaj o radu Centralne izborne komisije BiH za 2007. godinu;

13. Izvještaj Ureda za reviziju institucija BiH o izvršenoj reviziji u 2006. godini sljedećih institucija:
  - a. Ministarstva odbrane BiH
  - b. Ministarstva finansija i trezora BiH.
14. Godišnja platforma o obavještajno-sigurnosnoj politici, podnosilac: Predsjedništvo BiH;
15. Imenovanje ombudsmena u Institutiju ombudsmena za ljudska prava Bosne i Hercegovine (prijedlog liste Ad hoc komisije za imenovanje tri ombudsmena u Institutiju ombudsmena za ljudska prava BiH);
16. Davanje saglasnosti za ratifikaciju Sporazuma između Bosne i Hercegovine i Republike Turske o izbjegavanju dvostrukog oporezivanja u odnosu na poreze na dohodak i imovinu;
17. Davanje saglasnosti za ratifikaciju Konvencije o zaštiti evropskih divljih vrsta i prirodnih staništa;
18. Davanje saglasnosti za ratifikaciju Sporazuma o kreditu između Bosne i Hercegovine i BAWAG P.S.K. BANK FUR ARBEIT UND WIRTSCHAFT UND OSTERREICHISCHE POSTSPARKASSE AKTIENGESELLSCHAFT – Projekat nabavke medicinske opreme za Kantonalnu bolnicu 'Safet Mujić' Mostar;
19. Davanje saglasnosti za ratifikaciju Sporazuma o kreditu između Bosne i Hercegovine i BAWAG P.S.K. BANK FUR ARBEIT UND WIRTSCHAFT UND OSTERREICHISCHE POSTSPARKASSE AKTIENGESELLSCHAFT – Projekat nabavke medicinske opreme za Dom zdravlja Mostar;
20. Davanje saglasnosti za ratifikaciju Sporazuma o kreditu između Bosne i Hercegovine i BAWAG P.S.K. BANK FUR ARBEIT UND WIRTSCHAFT UND OSTERREICHISCHE POSTSPARKASSE AKTIENGESELLSCHAFT za Projekat nabavke medicinske opreme za Kliničku bolnicu Mostar;
21. Davanje saglasnosti za ratifikaciju Memoranduma o razumijevanju između Vijeća ministara BiH i Vlade Kanade o Kanadskom projektu u primarnoj zdravstvenoj zaštiti na Balkanu;
22. Davanje saglasnosti za ratifikaciju Memoranduma o razumijevanju između Vijeća ministara BiH i Vlade Kanade o Kanadskom projektu za mlade i zdravlje na Balkanu;
23. Davanje saglasnosti za ratifikaciju Programa finansijske saradnje između Vijeća ministara BiH i Ministarstva industrije, turizma i trgovine Kraljevine Španije;
24. Davanje saglasnosti za ratifikaciju Sporazuma između Vijeća ministara BiH i Vlade Republike Makedonije o saradnji u zaštiti od prirodnih i drugih katastrofa;
25. Davanje saglasnosti za ratifikaciju Sporazuma između Bosne i Hercegovine i Kraljevine Norveške o finansiranju rekonstrukcije i obnove fasade zgrade Parlamentarne skupštine BiH;
26. Davanje saglasnosti za ratifikaciju Sporazuma o kreditu između Bosne i Hercegovine i Bank Austria Creditanstalt AG – projekat izgradnje sistema za vodosnabdijevanje u općini Srbac.

#### **Ad.1. Odgovori na delegatska pitanja i delegatska pitanja**

**Delegat Rudo Vidović** postavio je sljedeće pitanje Regulatornoj agenciji za komunikacije BiH:

„Poznato je da u BiH usluge gledanja televizijskih programa pruža od 40 operatera kablovske televizije s procjenom da ukupno imaju više od 200 hiljada korisnika. Isto tako poznato je da su svi oni bili dužni Regulatornoj agenciji za komunikacije BiH dostaviti potpisane izjave, odnosno ugovore o riješenim autorskim pravima za distribuiranje TV programa koji se mogu ponuditi korisnicima preko njihovih mreža.

U tom smislu postavljam dva pitanja Regulatornoj agenciji za komunikacije BiH:

1. „Da li su svi operateri kablovske televizije u BiH dostavili takve ugovore i da li su ugovorima definirane finansijske obaveze prema TV kućama čiji se programi distribuiraju?

2. Da li Regulatorna agencija za komunikacije BiH ima podatke koliko korisnika ukupno u BiH gleda i plaća kablovsku televiziju putem mreža kablovskih operatera?“

**Delegat Hilmo Neimarlija** postavio je sljedeće pitanje Vladi Federacije BiH:

„Prema izvještajima Evropske komisije i rezultatima istraživanja referentnih međunarodnih institucija, BiH je na posljednjem mjestu u regiji u zaštiti okoliša i upravljanju otpadom. Prema istraživanjima iz 2003. godine, naša zemlja je prije pet godina bila neslavni rekorder u južnoj Evropi po broju ekoloških žarišta i proizvođača različitih zagađenja. Po izvještaju za 2007. godinu, u međuvremenu je postignut ograničeni napredak, ali je on minimalan u oblasti industrijskog zagađenja.

Starim industrijskim zagađivačima upravo u tom vremenu pridružio se „Prevent“ u Visokom. Ovaj moderni pogon za preradu kože vjerovatno je u ovom trenutku najagresivniji i sigurno najmanje kontrolirani proizvođač organskog otpada i zagađenja zraka u BiH. Prerađivački i organizacioni procesi u „Preventu“ na nivou su tehnoloških standarda Evropske unije, a postupanje s otpadom na nivou je odnosa koji je vladao u preindustrijsko doba. U prvo vrijeme, dok se nisu dogodili protesti lokalnog stanovništva, organski otpad iz „Preventa“ istresan je na poludivlju deponiju u okolini. Poslije toga, otpad se nekada pravovremeno uklanja, a nekada zaboravlja i prepušta prirodnoj razgradnji. Ovih ljetnih dana prolaznik kroz Visoko ni u zatvorenom autu ne može izbjeći strašni miris „Preventovog“ otpada i mučninu od njegovih plinova u kojima se guši lokalno stanovništvo. U Italiji ima gradića s desetinama pogona za preradu kože kao što je „Prevent“ i, treba li to isticati, bez sličnih plinova i mirisa.

Vladi Federacije BiH upućujem dva pitanja:

1. Kako je „Prevent“ u Visokom dobio odgovarajuću ekološku dozvolu za rad?
2. Zašto federalne i kantonalne inspeksijske službe godinama ne čine ništa na sprečavanju i sankcioniranju „Preventovog“ kršenja evropskih normi i domaćih zakona o očuvanju, zaštiti i poboljšanju ekološkog kvaliteta života?

Članove Kolegija i kolege delegate u Domu naroda obavještavam da ću u slučaju izostanka pravovremenih i argumentiranih odgovora podnijeti interpelaciju predsjedavajućem. Uključivanje BiH u Evropsku uniju pretpostavlja donošenje i primjenu evropskih ekoloških zakona. To što su nadležnosti za djelovanje u oblasti zaštite okoliša uglavnom na nižim nivoima vlasti ne oslobađa obaveze nas delegate i poslanike u Parlamnetarnoj skupštini BiH da se angažiramo u poslovima koji približavaju BiH evropskim asocijacijama i da se suprotstavljamo praksama koje nas udaljavaju od Evrope.“

## **Ad. 2. Usvajanje zapisnika 17. i 18. sjednice Doma naroda**

Rasprava o ovoj tački dnevnog reda nije vođena.

Dom naroda jednoglasno je usvojio zapisnike 17. i 18. sjednice Doma naroda.

## **Ad. 3. Zahtjev Predstavničkog doma za razmatranje Prijedloga zakona o izmjenama i dopunama Zakona o sukobu interesa u institucijama vlasti BiH, po hitnom postupku u skladu s članom 122. Poslovnika Doma naroda**

U raspravi o ovoj tački dnevnog reda učestvovali su: Beriz Belkić, Dušanka Majkić, Alma Čolo, Božo Rajić, Branko Zrno i Ilija Filipović.

Dom naroda jednoglasno je po hitnom postupku usvojio Zakon o izmjenama i dopunama Zakona o sukobu interesa u institucijama vlasti BiH.

**Ad. 4. Prijedlog zakona o izmjenama i dopunama Zakona o udruženjima i fondacijama BiH (drugo čitanje), predlagač: Vijeće ministara BiH**

Rasprava o ovoj tački dnevnog reda nije vođena.

Dom naroda jednoglasno je usvojio Zakon o izmjenama i dopunama Zakona o udruženjima i fondacijama BiH u identičnom tekstu kao i Predstavnički dom.

**Ad.5. Prijedlog okvirnog zakona o srednjem stručnom obrazovanju i obuci u Bosni i Hercegovini (drugo čitanje), predlagač: Vijeće ministara BiH**

Rasprava o ovoj tački dnevnog reda nije vođena.

Dom naroda jednoglasno je usvojio Okvirni zakon o srednjem stručnom obrazovanju i obuci u Bosni i Hercegovini sa osam amandmana identičnih amandmanima u Predstavničkom dom.

**Amandman I.**

U članu 2. u stavu (2) riječi i zagrada: „/vojna, policijska, vjerska/“ brišu se, a ostali dio teksta ostaje nepromijenjen.

**Amandman II.**

U članu 6. u stavu (1) riječi i zagrada: „/vojna, policijska, vjerska/“ brišu se, a ostali dio teksta ostaje nepromijenjen.

**Amandman III.**

U članu 9. stavu (3) mijenja se i glasi:

„(3) Dio nastavnog plana i programa za svaki stručni predmet na prijedlog stručnog aktiva utvrđuje nastavničko vijeće škole, a odobrava nadležni ministar.“

**Amandman IV.**

U članu 10. u stavu (1) na kraju teksta briše se tačka i dodaju riječi: „i nadležno tijelo za obrazovanje unutar svojih nadležnosti.“

U članu 10. u stavu (2) riječ „naročito“ briše se, a iza riječi: „Agencija za obrazovanje“ dodaje se tekst: „u saradnji s nadležnim ministarstvima“.

**Amandman V.**

U članu 15. u stavu (1) veznik: „i“ briše se, a ispred riječi: „direktor škole“ dodaje se riječ „rukovodi“.

**Amandman VI.**

U članu 20. u stavu (1) riječ „blagovremenog“ briše se, a na kraju teksta briše se tačka i dodaju riječi: „uz saglasnost nadležnog ministarstva.“

**Amandman VII.**

U članu 21. st. (1) i (2) mijenjaju se i glase:

„(1) Škole mogu organizirati obuku odraslih u okviru svojih registriranih djelatnosti uz saglasnost nadležnih obrazovnih vlasti. Nadležni ministar donosi nastavni plan i program za obrazovanje i obuku odraslih.“

(2) Polaznicima obuke za odrasle naplaćuje se naknada za obuku. Visinu naknade utvrđuje i donosi školski odbor uz saglasnost nadležnog ministarstva za obrazovanje.“

**Amandman VIII.**

U članu 24. riječi: „u entitetima, kantonima“ zamjenjuju se riječima „entitetu Republici Srpskoj, kantonima u Federaciji BiH“.

**Ad. 6 Prijedlog zakona o izmjenama i dopunama Zakona o policijskim službenicima BiH (drugo čitanje), predlagač: Vijeće ministara BiH**

Rasprava o ovoj tački dnevnog reda nije vođena.

Dom naroda jednoglasno je usvojio Zakon o izmjenama i dopunama Zakona o policijskim službenicima BiH u identičnom tekstu kao i Predstavnički dom.

**Ad.7. Prijedlog zakona o dopunama Zakona o upravnim sporovima (prvo čitanje), predlagač: Vijeće ministara BiH**

Rasprava o ovoj tački dnevnog reda nije vođena.

Dom naroda jednoglasno je usvojio u prvom čitanju Prijedlog zakona o dopunama Zakona o upravnim sporovima.

**Ad. 8. Prijedlog zakona o izmjenama i dopunama Zakona o finansiranju političkih stranaka (prvo čitanje), predlagači: delegati Ilija Filipović, Mladen Ivanić i Alma Čolo**

U raspravi o ovoj tački dnevnog reda učestvovali su: Dušanka Majkić, Hazim Rančić i Mladen Ivanić.

Dom naroda jednoglasno je usvojio u prvom čitanju Prijedlog zakona o izmjenama i dopunama Zakona o finansiranju političkih stranaka.

**Ad. 9. Prijedlog zakona o prestanku važenja Zakona o flaširanim pitkim vodama BiH (prvo čitanje), predlagač: Vijeće ministara BiH**

Rasprava o ovoj tački dnevnog reda nije vođena.

Dom naroda jednoglasno je usvojio u prvom čitanju Prijedlog zakona o prestanku važenja Zakona o flaširanim pitkim vodama BiH.

Doma naroda usvojio je i sljedeći zaključak:

„S obzirom da dolazi vrijeme godišnjih odmora, amandmanska faza na prijedloge zakona koji su na današnjoj sjednici usvojeni u prvom čitanju, produžava se do 1. septembra 2008. godine.“

**Ad.10. Zahtjev Zajedničke komisije za administrativne poslove za razmatranje Prijedloga odluke o izmjenama Odluke o organizaciji Sekretarijata Parlamentarne skupštine Bosne i Hercegovine, po hitnom postupku, u skladu s članom 122. Poslovnika Doma naroda**

Rasprava o ovoj tački dnevnog reda nije vođena.

Dom naroda jednoglasno je usvojio po hitnom postupku Odluku o izmjenama Odluke o organizaciji Sekretarijata Parlamentarne skupštine BiH.

### **Ad.11. Izvještaj Zajedničke komisije za usaglašavanje teksta o Prijedlogu zakona o Fiskalnom vijeću BiH**

Rasprava o ovoj tački dnevnog reda nije vođena.

Dom naroda jednoglasno je usvojio Izvještaj Zajedničke komisije za usaglašavanje teksta o Prijedlogu zakona o Fiskalnom vijeću BiH.

### **Ad.12. Izvještaj o radu Centralne izborne komisije BiH za 2007. godinu**

U raspravi o ovoj tački dnevnog reda učestvovali su: Ivo Miro Jović, Dušanka Majkić i Stjepan Mikić, član Centralne izborne komisije BiH.

Dom naroda jednoglasno je usvojio Izvještaj o radu Centralne izborne komisije BiH za 2007. godinu sa sljedećim zaključkom:

„Svi nadležni organi dužni su preduzeti sve aktivnosti iz svoje nadležnosti radi realiziranja preporuke Centralne izborne komisije BiH, navedene u Izvještaju Komisije u dijelu „Zaključna razmatranja i preporuke“, te o tome obavjesti Dom naroda“.

### **Ad.13. Izvještaj Ureda za reviziju institucija BiH o izvršenoj reviziji u 2006. godini sljedećih institucija:**

- a. Ministarstva odbrane BiH**
- b. Ministarstva finansija i trezora BiH.**

U raspravi o ovoj tački dnevnog reda učestvovali su : Dušanka Majkić, Adem Ibrahimpašić, Alma Čolo i Božo Rajić.

Dom naroda jednoglasno je usvojio Izvještaj Ureda za reviziju institucija BiH o izvršenoj reviziji u 2006. godini sljedećih institucija:

- a. Ministarstva odbrane BiH
- b. Ministarstva finansija i trezora BiH.

### **Ad.14. Godišnja platforma o obavještajno - sigurnosnoj politici, podnosilac: Predsjedništvo BiH**

U raspravi o ovoj tački dnevnog reda učestvovali su: Dušanka Majkić, Hazim Rančić, Ivo Miro Jović, Hilmo Neimarlija, Božo Rajić i Branko Zrno.

Dom naroda, sa 10 glasova “za”, dva “protiv” i jednim “suzdržanim” glasom, bez entitetske većine, nije usvojio Godišnju platformu o obavještajno-sigurnosnoj politici, nakon čega se pristupilo usaglašavanju u Kolegiju Doma. Članovi Kolegija postigli su saglasnost nakon čega je usvojena Godišnja platformu o obavještajno-sigurnosnoj politici, sa sljedećim zaključkom:

„Dom naroda izražava nezadovoljstvo kvalitetom Godišnje platforme o obavještajno-sigurnosnoj politici, i traži od organa koji učestvuju u donošenju ovog dokumenta, da na vrijeme pripreme Godišnju Platformu o obavještajno – sigurnosnoj politici za 2009 godinu te uvažavaju primjedbe iznesene u raspravi na 19. sjednici Doma naroda“

**Ad.15. Imenovanje ombudsmena u Instituciju ombudsmena za ljudska prava Bosne i Hercegovine (prijedlog liste Ad hoc komisije za imenovanje tri ombudsmena u Instituciju ombudsmena za ljudska prava BiH)**

U raspravi o ovoj tački dnevnog reda učestvovali su: Dušanka Majkić, Božo Rajić, Rudo Vidović, Adem Ibrahimpašić, Hazim Rančić, Mladen Ivanić, Sulejman Tihić, Alma Čolo, Ilija Filipović i Hilmo Neimarlija.

Dom naroda je za ombudsmene u Instituciji ombudsmena za ljudska prava Bosne i Hercegovine izabrao:

1. Ljubomira Sandića, iz srpskog naroda
2. Ivu Bradvicu, iz hrvatskog naroda i
3. Jasminku Džumhur, iz bošnjačkog naroda.

**Ad.16. Davanje saglasnosti za ratifikaciju Sporazuma između Bosne i Hercegovine i Republike Turske o izbjegavanju dvostrukog oporezivanja u odnosu na poreze na dohodak i imovinu**

Rasprava o ovoj tački dnevnog reda nije vođena.

Dom naroda jednoglasno je dao saglasnost za ratifikaciju Sporazuma između Bosne i Hercegovine i Republike Turske o izbjegavanju dvostrukog oporezivanja u odnosu na poreze na dohodak i imovinu.

**Ad.17. Davanje saglasnosti za ratifikaciju Konvencije o zaštiti evropskih divljih vrsta i prirodnih staništa**

Rasprava o ovoj tački dnevnog reda nije vođena.

Dom naroda jednoglasno je dao saglasnost za ratifikaciju Konvencije o zaštiti evropskih divljih vrsta i prirodnih staništa.

**Ad.18. Davanje saglasnosti za ratifikaciju Sporazuma o kreditu između Bosne i Hercegovine i BAWAG P.S.K. BANK FUR ARBEIT UND WIRTSCHAFT UND OSTERREICHISCHE POSTSPARKASSE AKTIENGESELLSCHAFT – Projekat nabavke medicinske opreme za Kantonalnu bolnicu 'Safet Mujić' Mostar**

Rasprava o ovoj tački dnevnog reda nije vođena.

Dom naroda jednoglasno je dao saglasnost za ratifikaciju Sporazuma o kreditu između Bosne i Hercegovine i BAWAG P.S.K. BANK FUR ARBEIT UND WIRTSCHAFT UND OSTERREICHISCHE POSTSPARKASSE AKTIENGESELLSCHAFT – Projekat nabavke medicinske opreme za Kantonalnu bolnicu 'Safet Mujić' Mostar.

**Ad.19. Davanje saglasnosti za ratifikaciju Sporazuma o kreditu između Bosne i Hercegovine i BAWAG P.S.K. BANK FUR ARBEIT UND WIRTSCHAFT UND OSTERREICHISCHE POSTSPARKASSE AKTIENGESELLSCHAFT – Projekat nabavke medicinske opreme za Dom zdravlja Mostar**

Rasprava o ovoj tački dnevnog reda nije vođena.

Dom naroda jednoglasno je dao saglasnost za ratifikaciju Sporazuma o kreditu između Bosne i Hercegovine i BAWAG P.S.K. BANK FUR ARBEIT UND WIRTSCHAFT UND OSTERREICHISCHE POSTSPARKASSE AKTIENGESELLSCHAFT – Projekat nabavke medicinske opreme za Dom zdravlja Mostar.

**Ad.20. Davanje saglasnosti za ratifikaciju Sporazuma o kreditu između Bosne i Hercegovine i BAWAG P.S.K. BANK FUR ARBEIT UND WIRTSCHAFT UND OSTERREICHISCHE POSTSPARKASSE AKTIENGESELLSCHAFT za Projekat nabavke medicinske opreme za Kliničku bolnicu Mostar**

Rasprava o ovoj tački dnevnog reda nije vođena.

Dom naroda jednoglasno je dao saglasnost za ratifikaciju Sporazuma o kreditu između Bosne i Hercegovine i BAWAG P.S.K. BANK FUR ARBEIT UND WIRTSCHAFT UND OSTERREICHISCHE POSTSPARKASSE AKTIENGESELLSCHAFT za Projekat nabavke medicinske opreme za Kliničku bolnicu Mostar.

**Ad.21. Davanje saglasnosti za ratifikaciju Memoranduma o razumijevanju između Vijeća ministara BiH i Vlade Kanade o Kanadskom projektu u primarnoj zdravstvenoj zaštiti na Balkanu**

Rasprava o ovoj tački dnevnog reda nije vođena.

Dom naroda jednoglasno je dao saglasnost za ratifikaciju Memoranduma o razumijevanju između Vijeća ministara BiH i Vlade Kanade o Kanadskom projektu u primarnoj zdravstvenoj zaštiti na Balkanu.

**Ad.22. Davanje saglasnosti za ratifikaciju Memoranduma o razumijevanju između Vijeća ministara BiH i Vlade Kanade o Kanadskom projektu za mlade i zdravlje na Balkanu**

Rasprava o ovoj tački dnevnog reda nije vođena.

Dom naroda jednoglasno je dao saglasnost za ratifikaciju Memoranduma o razumijevanju između Vijeća ministara BiH i Vlade Kanade o Kanadskom projektu za mlade i zdravlje na Balkanu.

**Ad.23. Davanje saglasnosti za ratifikaciju Programa finansijske saradnje između Vijeća ministara BiH i Ministarstva industrije, turizma i trgovine Kraljevine Španije**

Rasprava o ovoj tački dnevnog reda nije vođena.

Dom naroda jednoglasno je dao saglasnost za ratifikaciju Programa finansijske saradnje između Vijeća ministara BiH i Ministarstva industrije, turizma i trgovine Kraljevine Španije.

**Ad.24. Davanje saglasnosti za ratifikaciju Sporazuma između Vijeća ministara BiH i Vlade Republike Makedonije o saradnji u zaštiti od prirodnih i drugih katastrofa**

Rasprava o ovoj tački dnevnog reda nije vođena.

Dom naroda jednoglasno je dao saglasnost za ratifikaciju Sporazuma između Vijeća ministara BiH i Vlade Republike Makedonije o saradnji u zaštiti od prirodnih i drugih katastrofa.



**Ad.25. Davanje saglasnosti za ratifikaciju Sporazuma između Bosne i Hercegovine i Kraljevine Norveške o finansiranju rekonstrukcije i obnove fasade zgrade Parlamentarne skupštine BiH**

Rasprava o ovoj tački dnevnog reda nije vođena.

Dom naroda jednoglasno je dao saglasnost za ratifikaciju Sporazuma između Bosne i Hercegovine i Kraljevine Norveške o finansiranju rekonstrukcije i obnove fasade zgrade Parlamentarne skupštine BiH.

**Ad.26. Davanje saglasnosti za ratifikaciju Sporazuma o kreditu između Bosne i Hercegovine i Bank Austria Creditanstalt AG – projekat izgradnje sistema za vodosnabdijevanje u općini Srbac**

Rasprava o ovoj tački dnevnog reda nije vođena.

Dom naroda jednoglasno je dao saglasnost za ratifikaciju Sporazuma o kreditu između Bosne i Hercegovine i Bank Austria Creditanstalt AG – projekat izgradnje sistema za vodosnabdijevanje u općini Srbac.

Sjednica je završena u 16,20 sati.

Sastavni dio ovog zapisnika je neautorizirani transkript 19. sjednice Doma naroda.

**SEKRETAR  
DOMA NARODA**  
Marin Vukoja

**PREDSJEDAVALAČI  
DOMA NARODA**  
dr. Mladen Ivanić